



Broj: 02-04-208/21-AP-3
Datum: 12.02.2021. godine

OPĆINSKO VIJEĆE ZAVIDOVIĆI
n/r PREDSDJEDAVAJUĆA OPĆINSKOG VIJEĆA
mr. iur. Erna Merdić Smailhodžić

PREDMET: Odgovori na vijećnička pitanja sa 1. (radne) sjednice Općinskog vijeća Zavidovići održane 25.01.2021. godine, dostavljaju se

Povodom vijećničkih pitanja postavljenih na 1. (radnoj) sjednici Općinskog vijeća Zavidovići održanoj 25.01.2021. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA ZAHIDA AVDIČEVIĆ

1. Vijećnik Zahid Avdičević: Prvo pitanje je iz prošlog mandata jer nisam dobio odgovor, a konkretno zadužujem Službu za ekonomske poslove, a pitanje je upućeno Ministarstvu unutrašnjih poslova Zeničko - dobojskog kantona. Pitanje je glasilo, kada će da krenu aktivnosti sa postavljanjem radar kamere na regionalnom putu Zavidovići - Olovo koji prolazi kroz dio mjesne zajednice „Kovači“? Svjedoci smo sami svih saobraćajnih nesreća i povreda učenika. I do dan danas nisam dobio odgovor. Ja ga ponavljam. Znači imamo četiri godine, ja ću svaku sjednicu krenuti sa ponavljanjem.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-7-57/21 od 09.02.2021. godine): Dana 15.10.2020. godine Vaše pitanje je proslijeđeno Ministarstvu unutrašnjih poslova Zeničko-dobojskog kantona, do današnjeg dana nismo zaprimili nikakav odgovor, te je dana 09.02.2021. godine upućena urgencija. Po prijemu odgovora isti će vam biti dostavljen.

2. Vijećnik Zahid Avdičević: Drugo pitanje: također se odnosi na Ministarstvo za promet i komunikacije Zeničko - dobojskog kantona. Zamolio bih aktuelnog ministra gospodina Isaka da posjeti općinu Zavidovići, a pitanje glasi: Kada će krenuti aktivnosti na sanaciji regionalnog puta Zavidovići - Olovo, na dijelu općine Zavidovići do Maoče, kao i regionalnog puta Zavidovići – Kamenica - Ponijeri - Kakanj? Ako gospodine ministre uložite pet šest miliona u općini Zenica, i Zavidovići se nalaze u Zeničko - dobojskom kantonu. I jedna kratka napomena, kad se krene, da ponesete rezervne amortizere da ih možete zamijeniti kad se vratite sa te dionice. Zahvaljujem.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-7-57/21 od 09.02.2021. godine): Dana 09.02.2021. godine Vaše pitanje je proslijeđeno Ministarstvu za prostorno uređenje, promet i komunikacije i zaštitu okoline Zeničko-dobojskog kantona, te ćemo Vas po zaprimanju odgovora o istom obavijestiti.

2. VIJEĆNIČKO PITANJE VIJEĆNIKA HAMDE DŽINIĆ

Vijećnik Hamdo Džinić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam vijećničko pitanje koje se tiče izgradnje i rekonstrukcije centralnog dijela vodovoda Vozuća?

Obrazloženje vijećničkog pitanja:

Po zahtjevima mještana MZ Vozuća, obraćam se ovim vijećničkim pitanjem i zahtijevam odgovore od nadležne općinske službe zadužene za realizaciju projekta „Program utroška sredstava vodnih naknada za 2020. godinu - Finansiranje izgradnje i rekonstrukcije vodnih objekata od značaja za jedinice lokalne samouprave (zaštitni i vodni objekti za vodosnabdijevanje i vodni objekti za zaštitu voda od zagađenja), uključujući izradu projektne dokumentacije.

Naime, Sporazum o zajedničkom učešću u realizaciji pomenutog projekta, potpisan je 15.10.2020. godine za osam (8) projekata vodosnabdijevanja. Svjedoci smo da je u proteklom periodu, za neke od projekata iz ovog sporazuma potpisan ugovor o realizaciji sa izvođačima i da su radovi već započeti. Tragom toga, zanima nas, dokle se stiglo sa provedbom procedure za izbor izvođača radova i potpisivanje ugovora za izgradnju i rekonstrukciju centralnog dijela vodovoda Vozuća? Općinski načelnik i nadležna služba su upoznati sa dugogodišnjim problemom vodosnabdijevanja na području MZ Vozuća. Tokom cijele godine imamo problem vodosnabdijevanja koje je posebno izraženo u ljetnim mjesecima, kada značajan broj domaćinstava i po 20 dana nema vode.

Pitanje se upućuje Općinskom načelniku i nadležnoj općinskoj Službi.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-7-57/21 od 09.02.2021. godine): Općina Zavidovići je provela postupak javne nabavke Izgradnja i rekonstrukcija centralnog dijela vodovoda Vozuća, te donijela Odluku o izboru najpovoljnijeg ponuđača dana 18.12.2020. godine. Dana 28.12.2020. godine na Odluku o izboru najpovoljnijeg ponuđača izjavljena je žalba i ista je sa izjašnjenjem Općine Zavidovići 30.12.2020. godine prosljeđena Uredu za razmatranje žalbi BiH na dalje rješavanje.

Općina Zavidovići, kao ugovorni organ očekuje što skorije rješavanje ove žalbe kako bi se postupak javne nabavke nastavio.

3. VIJEĆNIČKO PITANJE VIJEĆNIKA IGORA ŠIMŠIĆ

Vijećnik Igor Šimšić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam vijećničko pitanje koje se tiče potrebe informisanja građana o realizaciji Odluke Vlade FBiH sa 245. sjednice Vlade FBiH od dana 26.11.2020. godine, a koja se odnosi na raspodjelu doznačenih sredstava u iznosu od 623.000,00 KM na ime pomoći za 370 bivših radnika kompanije Krivaja Mobil d.o.o. Zavidovići u stečaju.

Obrazloženje vijećničkog pitanja:

Na zahtjev građana koji su korisnici po prethodnoj Odluci, bivših radnika kompanije Krivaja Mobil d.o.o. Zavidovići u stečaju, obraćam se nadležnim za dostavljanje informacija i objašnjenja o tokovima realizacije Odluke Vlade FBiH i postupcima raspodjele doznačenih sredstava krajnjim korisnicima. Naime, prema informacijama dobijenih od bivših radnika, isti nisu detaljno upoznati sa sadržinom Odluke, niti imaju detaljnije informacije o njenoj realizaciji, načinima i dinamikom isplate i drugim pojedinostima koji utiču na realizaciju. Od istih sam i smo informisani da je prema njima, dana 15.12.2020. godine izvršena obročna

uplata od strane Općine Zavidovovići jednog dijela sredstava (cca. 420,00 KM po osobi).

Nismo upoznati da li bilo drugih uplata na njihove račune, te su se isti obratili našem Klubu vijećnika sa zahtjevom za delegiranjem ovog pitanja na Općinskom vijeću Zavidovovići u cilju dobijanja odgovora: na koji će se način vršiti daljnja isplata, kada, kojim vremenskim datovanjem, u kojim periodima, kojim iznosima... uz prezentovanje javnosti sadržine navedene Odluke Vlade FBiH.

Vijećničko pitanje upućuje se Općinskom načelniku i nadležnim općinskim službama.

Odgovor (e) na moje vijećničko pitanje pored usmenih dostaviti i u pisanoj formi.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-7-57/21 od 09.02.2021. godine): Iznos od 623.000,00 KM, za pomoć bivšim radnicima Privrednog društva „Krivaja Mobil“ d.o.o. Zavidovovići – u stečaju, uplaćena su na Depozitni račun Budžeta općine Zavidovovići dana 10.12.2020. godine, a na osnovu Odluke o odobravanju raspodjele dijela novčanih sredstava ostvarenih prodajom preduzeća iz nadležnosti Agencije za privatizaciju u Federaciji Bosne i Hercegovine Općini Zavidovovići za pomoć bivšim radnicima Privrednog društva „Krivaja Mobil“ d.o.o. Zavidovovići – u stečaju, broj: 1605/2020 od 26.11.2020. godine i koja je dostavljena u prilogu odgovoru.

U skladu sa i u okviru vlastitih nadležnosti Služba za upravu ekonomskih poslova i poduzetništva je na osnovu Zaključka broj: 02-11-3256/20-AP-2 od 16.12.2020. godine i Zaključka broj: 02-11-3256/20-AP-4 od 12.01.2021. godine (zaključci dostavljeni u prilogu odgovora) izvršila transfer sredstava JU „Centar za socijalni rad“ Zavidovovići u iznosima definiranim predmetnim zaključcima, kako slijedi:

- 1. 17.12.2020. godine iznos od 157.500,00 KM na ime I rate za 372 bivša radnika, a JU „Centar za socijalni rad“ Zavidovovići, je izvršila isplate pomoći bivšim radnicima Privrednog društva „Krivaja Mobil“ d.o.o. Zavidovovići – u stečaju dana 18.12.2020. godine i 21.12.2020. godine.**
- 2. 21.01.2021. godine iznos od 155.167,68 KM na ime II rate 376 bivših radnika, a JU „Centar za socijalni rad“ Zavidovovići, je izvršila isplate pomoći bivšim radnicima Privrednog društva „Krivaja Mobil“ d.o.o. Zavidovovići – u stečaju dana 22.01.2021. godine.**

Isplatu/e preostalog dijela sredstava Služba će realizovati po dostavljanju naloga za prenos sredstava JU „Centar za socijalni rad“ (zaključka / zaključaka o isplati). JU „Centar za socijalni rad“ je nadležnoj Službi za upravu društvenih djelatnosti i opću upravu dostavila kompletnu dokumentaciju koja se tiče pravdanja realiziranih pojedinačnih isplata po osnovu dosad uplaćene dvije rate, te u istu može biti izvršen uvid

4. VIJEĆNIČKO PITANJE VIJEĆNIKA HARISA HODŽIĆ

Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovovići, kao vijećnik Općinskog vijeća Zavidovovići postavljam vijećničko pitanje koje se tiče potrebe informisanja o poduzetim aktivnostima u saradnji i koordinaciji sa Kantonalnom direkcijom za ceste, a u vezi uklanjanja odrona na regionalnom putu R 465 Zavidovovići - Maglaj u naseljenom mjestu Šabin potok - Dolac.

Obrazloženje vijećničkog pitanja.

Već nešto više od 2 mjeseca učesnici saobraćaja na regionalnom putu pravcu Zavidovići - Maglaj svakodnevno su potencijalna žrtva saobraćajne nesreće kao uzrok suženja kolovozne trake izazvane odronom na dionici putnog pravca između naseljenih mjesta Šabin potok i Dolac.

Odron koji je suzio regionalnu cestu R 465 i ugrožava sigurnost učesnika saobraćaja samo je označen obilježenom trakom i do dan danas nije uklonjen sa ove dionice.

Direktno pitanje: Da li je nadležna općinska služba upoznata sa ovom problematikom? Da li je ostvaren kontakt i koordinacija sa Kantonalnom direkcijom za ceste na rješavanju ovog problema? Da li će se konačno poduzeti aktivnosti na uklanjanju ovog odrona i spriječiti neželjene saobraćajne posljedice za učesnike saobraćaja na ovoj dionici puta? I da li će ova dionica puta Zavidovići - Dolac konačno biti podvrgnuta čišćenju i uklanjanju niskog i visokog rastinja uz bočne pojase kolovozne trake obzirom da je ovo prvi put u zadnjih 20 godina da ova dionica regionalne ceste nije tretirana od strane Kantonalne direkcije za ceste i Ministarstva za saobraćaj i komunikacije ZE-DO kantona kada je u pitanju redovno godišnje održavanje regionalnih cesta.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-7-57/21 od 09.02.2021. godine): Nakon obilaska dionice regionalne ceste Zavidovići - Dolac utvrđeno je da nadležna Kantonalna direkcija za ceste nije izvršila nikakve aktivnosti na uklanjanju odrona, osim što je izvršila obilježavanje trakom za saobraćaj opasnog mjesta.

Dana 09.02.2021. godine Vaše pitanje je proslijeđeno Ministarstvu za prostorno uređenje, promet i komunikacije i zaštitu okoline Zeničko-dobojskog kantona, te ćemo Vas po zaprimanju odgovora o istom obavijestiti.

5. VIJEĆNIČKO PITANJE VIJEĆNIKA HAKIJE BOŠNJAKOVIĆ

Vijećnik Hakija Bošnjaković: Inicijativa za asfaltiranje dionice puta Vrtače - Potok u mjesnoj zajednici „Mahoje“.

Na osnovu člana 109. Poslovnika o radu Općinskog vijeća Zavidovići, te u skladu sa stavom 4. pomenutog člana, Klub vijećnika SDA u Općinskom vijeću Zavidovići, podnosi Inicijativu za asfaltiranje dionice puta Vrtače - Potok u mjesnoj zajednici „Mahoje“.

Obrazloženje

Shodno činjenici da još od 2008. godine nije završeno asfaltiranje projektom predviđenog dijela dionice Žioke - Mahoje, od mjesta Vrtače do zaseoka Potok, podnosimo inicijativu da se dionica puta u dužini od cca. 300m asfaltira. Zaseok Potok na području mjesne zajednice „Mahoje“ broji 44 domaćinstva sa cca. 150 stanovnika koji koriste dionicu neasfaltiranog puta prema istoimenom zaseoku. U pomenutom dijelu nalazi se i Osnovna škola „Mahoje“ te Džamija.

Budući da se u infrastrukturne projekte u pomenutoj mjesnoj zajednici nije ulagalo, zahtijevamo da se ova inicijativa uvrsti u prvi stepen prioriteta kod planiranja ulaganja u infrastrukturne projekte za naredni period.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-7-55/21 od 09.02.2021. godine): Shodno Vašem podnesku od 25.01.2021. godine nazvanim kao Inicijativa vijećnika Hakije Bošnjaković u kojoj je predloženo asfaltiranje dionice puta Vrtače - Potok u Mjesnoj zajednici „Mahoje“, obavještavamo Vas da u skladu sa članom 109. stav 5. Poslovnika o radu Općinskog

vijeća („Službeni glasnik Općine Zavidovići“, broj: 7/14 – prečišćeni tekst i 9/14) isti se ne može smatrati inicijativom budući da se podnesenim aktom ne inicira donošenje općeg ili pojedinačnog akta iz nadležnosti Općinskog vijeća Zavidovići, te Vam stoga u nastavku dostavljamo odgovor na Vaš podnesak – vijećničko pitanje:

Planom kapitalnih investicija Općine Zavidovići revidiran za period 2021.-2025. godine, koji će na jednoj od narednih sjednica Općinskog vijeća biti razmatran, definisan je projekat Završetak asfalta Potok - Vrtače na rednom broju 10 na listi nerazvrstanih cesta. Realizacija samog projekta zavisiće od budućih raspoloživih sredstava.

6. VIJEĆNIČKO PITANJE VIJEĆNIKA AMERA AVDIČEVIĆ

Vijećnik Amer Avdičević: Inicijativa za ponovno iscrtavanje pješačkog prijelaza u ulici Maršala Tita (pješački prijelaz između objekta „Hotel Kristal“ i poslovnih prostora „Scena“, „Avangarde“, „Dalko“ itd.), pojačavanje osvijetljenosti na navedenom dijelu puta, ukoliko je moguće, postavljanje horizontalnih svjetlosnih uređaja na sami pješački prijelaz, kao i razmatranje mogućnosti izgradnje najmanje jednog ležećeg policajca na cestovnoj dionici u Ulici Maršala Tita.

Na osnovu člana 109. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7-2014-prečišćen tekst, 9/14, 8/18 i 8/19) podnosim Inicijativu za ponovno iscrtavanje pješačkog prijelaza u Ulici Maršala Tita (pješački prijelaz između objekta „Hotel Kristal“ i poslovnih prostora „Scena“, „Avangarde“, „Dalko“ itd.), pojačavanje osvijetljenosti na navedenom dijelu puta, ukoliko je moguće, postavljanje horizontalnih svjetlosnih uređaja na sami pješački prijelaz, kao i razmatranje mogućnosti izgradnje najmanje jednog ležećeg policajca na cestovnoj dionici u Ulici Maršala Tita.

O b r a z l o ž e n j e

Cestovna dionica u ulici Maršala Tita slovi za jednu od prometnijih dionica, kako vozila tako i pješaka. Sa jedne strane dionice nalaze se autobuska stanica, JU „Centar za kulturu“ i most „Duga“ što znači veliku frekvenciju pješaka u navedenoj ulici. Jedan od načina dolaska pješaka do kompleksa, gore navedenih poslovnih prostora, ali i pothodnika u kojem se također nalaze poslovni prostori jeste prelazak preko ovog pješačkog prijelaza. Na ovom pješačkom prijelazu ranije su zabilježeni saobraćajni incidenti u kojim je bila ugrožena bezbjednost pješaka, a jedan od incidenata, nažalost imao je tragičan ishod. Danju, pješački prijelaz je slabo vidljiv, te je potrebno ponovno iscrtati linije horizontalne signalizacije. Zbog osvijetljenja koje nije zadovoljavajuće, opasnost je povećana u noćnim satima (kako za pješake, tako i za lica koja upravljaju motornim vozilima), stoga je potrebno adekvatno osvijetliti navedeni pješački prijelaz.

S obzirom na ovaj nivo ugroženosti pješaka na navedenom pješačkom prijelazu zahtijevam i utvrđivanje pravne regulative na osnovu koje je pješački prijelaz obilježen. Ukoliko su ispoštovane sve pravne procedure prilikom obilježavanja pješačkog prijelaza na navedenom mjestu, u okviru inicijative predlažem postavljanje nove rasvjete koja će za rezultat imati pojačano osvijetljenje ovog pješačkog prijelaza ili čak postavljanje svjetlosnih uređaja na samu podlogu ceste, kao što je to urađeno u nekim drugim općinama. Ukoliko je prethodno navedeno neizvodivo, predlažem postavljanje visoko pozicioniranog svijetlećeg znaka obavještenja koji ukazuje na obilježen pješački prijelaz. Također, predlažem da razmotrite mogućnost izgradnje ležećeg policajca na ovoj cestovnoj dionici, te da me blagovremeno obavijestite o tome.

U prilogu vam dostavljam fotografije kao primjere mojih prijedloga u okviru inicijative.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-7-51/21 od 09.02.2021. godine): Shodno Vašem podnesku od 25.01.2021. godine nazvanim kao Inicijativa vijećnika Amera Avdičević u kojoj je predloženo ponovno iscrtavanje pješačkog prijelaza u ulici „Maršala Tita“ (pješački prijelaz između objekta „Hotel Kristal“ i poslovnih prostora „Scena“, „Avangarde“, „Dalko“ itd.), pojačavanje osvijetljenosti na navedenom dijelu puta, ukoliko je moguće, postavljanje horizontalnih svjetlosnih uređaja na sami pješački prijelaz, kao i razmatranje mogućnosti izgradnje najmanje jednog ležećeg policajca na cestovnoj dionici u ulici „Maršala Tita“, obavještavamo Vas da u skladu sa članom 109. stav 5. Poslovnika o radu Općinskog vijeća („Službeni glasnik Općine Zavidovići“, broj: 7/14 – prečišćeni tekst i 9/14) isti se ne može smatrati inicijativom budući da se podnesenim aktom ne inicira donošenje općeg ili pojedinačnog akta iz nadležnosti Općinskog vijeća Zavidovići, te Vam stoga u nastavku dostavljamo odgovor na Vaš podnesak – vijećničko pitanje:

Općina Zavidovići će u narednom periodu nastaviti sa postavljanjem debeloslojne horizontalne signalizacije - pješačkih prelaza, kao što je to već učinjeno u užem gradskom jezgru, a također je u planu i zamjena postojećih svjetiljki sa led reflektorima kao što je već izmijenjeno u ulicama „Roncadele“, „Mehmed-paše Sokolovića“, „Safvet-bega Bašagića“ i „35. divizije“.

Horizontalna i vertikalna saobraćajna signalizacija se postavlja u skladu sa Projektom saobraćajne signalizacije na urbanom području Zavidovića, a što se tiče postavljanja horizontalnih svjetlosnih uređaja smatramo da nakon što se izvrši postavljanje debeloslojne horizontalne signalizacije i poboljša ulična rasvjeta u ulici „Maršala Tita“ smatramo da bi isto bilo neracionalno iz razloga što se ista pretežno postavlja na saobraćanicama sa četiri i više saobraćajnih traka.

Također Vas obavještavamo da su članom 73. Odluke o bezbjednosti i organizaciji saobraćaja na cestama općine Zavidovići („Službeni glasnik Općine Zavidovići“, broj: 5/2013 - prečišćeni tekst, 9/2015 i 3/2016) definisane ulice i ceste sa većim intenzitetom kretanja motornih vozila i pješaka na koje se postavljaju posebni objekti na cesti (tzv. ležeći policajci) sa pratećim znakovima opasnosti i ograničenja brzine 20 km/h.

Ulice i ceste definisane u pomenutom članu su uglavnom one koje se protežu pored školskih objekata i dječijih igrališta i poligona.

Navedenim članom nije obuhvaćena ulica „Maršala Tita“ te postavljanje „ležećeg policajca“ nije moguće u skladu sa važećom Odlukom o bezbjednosti i organizaciji saobraćaja na cestama općine Zavidovići.

S poštovanjem

Dostavljeno:

1. Naslovu,
2. U spis.

OPĆINSKI NAČELNIK

Dr. sci. Hašim Mujanović

Obradio: _____
(Nermin Čahtarević)